

永平府志卷五十九

列傳十一 仕蹟四

王士升字鶚薦昌黎人乾隆壬申科舉人截取湖北咸豐令遇公事下鄉輕騎減從往返無留滯先是各鄉邨每遇命案浮派株連牽累數十里升抵任力除其弊邑關外立有甘棠遺愛碑著有復性堂詩文集若干卷

李維垣字啟藩號潤川蘭三子乾隆癸酉拔貢生庚辰舉人歷官山東邳縣滕縣知縣嗣丁內艱服闋後揀發奉天補甯海縣知縣居官清慎上憲深器重之調

永平府志

卷五十九

仕蹟四

一

署奉天治中事暮年因疾告歸優游林下者二十餘年孫嘉第歲貢生簞舉人

高宮璽字紱珮昌黎人乾隆庚辰舉人令山西汶水調陽曲升忻州牧所在有父母稱分校甲午秋闈得省元閻文寅等若干人常有五山右名宿也朱文正公藩晉時奇其文歎爲高山流水榜發出璽門公大驚異遂締交焉擢兗沂曹濟道一切持大體與民休息防守黃河伏秋二汛乾隆五十八年秋汛水漲幾與堤平璽晝夜經營以勞瘁卒於官贈按察使銜著有尚書解版藏於家子翼垣乾隆己酉科拔貢任南皮

司訓

魏廷掄字殿中昌黎人五歲失恃行喪祭禮如成人家赤貧讀書甚勤領乾隆庚辰鄉薦歷署安徽繁昌石埭全椒知縣旋題補阜陽勤慎明敏庶獄多平反舉卓異升壽州牧甫抵任遽以疾終有全椒士民公頌惠廉公正八政詩見於世

李來宣字沛綸灤州人乾隆壬午舉人任南皮教諭十有六年每逢科歲試未嘗以印結勒索弟子員錢奉委賑饑調度有方吏無侵漁民霑實惠郡守以廉能薦力謝之沒之日貧無以斂紳士醵金賻之始得歸

永平府志

卷五十九

仕蹟四

一一

葬

方世用字簡庵樂亭人義州籍乾隆乙酉舉於鄉由教習任廣東瓊州府樂會縣知縣政簡刑清民情大愜後以疾卒於官瓊守念其清廉醵金助之始得歸葬萬永年字月友號樂山昌黎人瑄從孫中乾隆乙酉副榜取教習又取謄錄優敘選山東蒲臺知縣年餘丁母憂服闋分發甘肅補成縣時縣多虎患乃虔禱城隍祠率獵捕之一日獲三虎餘皆遠徙他邑逆回滋事去邑城不二百里邑民惶恐欲他徙永年力止之備器械晝夜巡守賊不敢犯民賴以安每月三課書

院士風一變在任十年以老致仕歸復課徒如書生  
年七十餘卒永年善書楷法學顏魯公行草學董米  
晚年上追鍾王自成一家人士大夫家多藏之次子搆  
謙庠生亦善書

魏行方字端崖文通長子也年十九舉乾隆乙酉鄉薦  
屢躋春闈以大挑一等籤分河南歷署上蔡桐柏沈  
邱縣篆慈惠廉明仁譽達於上官然恒以未成進士  
爲憾會當補缺呈請改就教職上臺弗允行方情辭  
懇切謂補官後卽不克觀光上臺素仰其文名乃徐  
謂曰固知君爲玉堂之選我亦不忍久以風塵吏屈

永平府志

卷五十九

仕蹟四

三

君於是治裝而歸比至家僅贖京蚨兩串持以示人  
曰此洛中宦囊也越半載選授廣平府曲周縣教諭  
攜家之官兩試南宮均因額滿見遺乾隆壬子長子  
思誠登賢書時其弟行敏先領癸卯科鄉薦偕赴癸  
丑春闈仍薦而未售後三年卒年四十有八著有敬  
直齋時文

辛大成字展亭號蘿村又號達夫先世山東蓬萊人仕  
於直遂占籍盧龍嗣寄居撫之臺頭營大成生而沈  
篤嗜讀書年十八補弟子員乾隆壬午領鄉薦丙戌  
成進士出爲四川冕甯縣知縣冕甯居邊徼民苗雜

處號難治大成威惠兼施內絕苞苴外興文教租稅之不便民者悉除之苗民感服川中土苗常不靖大成憂之每昌言於同官曰獮蠻叵測禍萌隱伏不早除必爲患後果有征苗之舉人咸服其先識在官八年川民有辛太清之謠乾隆壬寅列上考以處分免將題升會理州適丁母憂事遂寢身羈萬里宦橐蕭然某觀察憐其貧資以千金始得歸歸後手執一編猶同寒素與石溫如宋東野爲詩友性情恬淡常策蹇游山谷雖販夫牧豎皆知爲辛先生也平生所歷山水皆有題詠過巫峽瞿塘灩澦堆渡嘉陵江諸作

永平府志

卷五十九

仕蹟四

四

蒼涼悲壯頗似杜陵遺橐尙藏於家

李之駿字山紫灤州人乾隆庚寅舉人以知縣揀發楚省初攝黃安令捐俸救荒兼施醫藥全活甚眾後擢河南開封府同知時築河口費不足傾囊助之歷署州府事築沁水九堰保護民田無算又寬減歸德郡守汛民夫四百名而河不爲災光州大橋圯捐廉築之至今稱李公橋襄樊叛民猖獗督率鄉勇防守賊不敢犯復勦平汝州亂民以軍勞成疾卒於官

蕭國璋字莪堂臨榆人乾隆丁酉科舉人大挑一等簡發湖南歷試大邑皆有政聲祁陽紳民爲立德政碑

郭瑾字懷珍臨榆人乾隆丁酉科舉人原任湖北安陸縣知縣歷署麻城竹山竹谿大冶宜城棗陽黃梅黃岡等縣蘄州知州代理武黃同知充乾隆戊申科湖北鄉試同考官生平肫恪冲和鄉里共式凡歷一任清廉公允撫字爲先禦匪守城勤勞並著所在有循聲嘉慶十八年卒於武昌籍寅好飲助子孫方得扶輦還籍

張琴字繹桐號韻齋廬龍人八歲就外傳穎悟精勤夜膏燭不繼恆然香照讀輒至丙夜十二歲應府縣試皆列前茅院試以病未與繼以家貧爲郡吏傭書郡

永平府志

卷五十九

仕蹟四

五

伯吳公嘉其書法送入敬勝書院肄業於常餼外倍加膏火敬勝書院之錄取童生自此始十九歲以縣試第一補弟子員乾隆己亥領鄉薦遂由丁酉謄錄議敘知縣需次湖北戊申分校秋闈闈後題補雲夢縣未抵任調補鍾祥以卓異陞隨州知州署荆門直隸州嘉慶丙辰春二月望日邪匪劉之協等造逆荆門所屬之當陽距州一百二十里先是江夏宜都松滋保康一帶邪匪傳教惑眾業經互緝而當陽令某遲至二月十三日始稟稱境內有匪請往彈壓琴卽馳往及至而城陷賊燄猖獗幾爲所困乃急歸守荆

門以固根本是時湖南苗寇未平城中兵均調赴南  
省琴招集鄉民擇壯健者編伍得五百人於沿途設  
卡傳烽兼盤詰以防賊謀四月大兵克復當陽賊四  
散不數月境內獲賊無算琴細心鞫問宥其協從全  
活甚眾是年秋江水盛漲沙洋小江湖一帶隄潰民  
居漂沒琴亟請賑蠲旋籌議築隄章程丁巳春興役  
以工代賑民賴以安戊午四月十七日賊復犯荆門  
據東保山距城二里許琴移營城外以距之民志旣  
堅咸奮勇擊賊賊潰生擒百餘名斬馘千計奪器械  
無算甫斂兵入城賊復集直抵城下乃嚴爲設備令

民分堞而守晝夜親巡督之賊知不可犯乃遁己未  
五月朔賊又圍城大雨竟夜琴冒雨荷戈立城上晝  
夜目不交睫圍六日始解去時學使方按臨城中應  
試者安堵如常荆門爲楚豫川陝阨要之區民稀山  
險箐林茂密賊易竄伏大兵追勦循環過境需應尤  
繁然事事清釐民恃以安因勒石以紀其功庚申賊  
渠以次就擒琴以流民甫集請免征賊辛酉力請終  
養上憲方倚重之不許已而以南糧餘剩水腳延遲  
罷職聞者莫不扼腕琴轉喜形於色方謀飭裝而大  
憲固留不使行奏請開復原官癸亥春署安陸府知

府十月借補德安同知乙丑秋丁母憂以公事羈留  
年餘始回籍營葬服闋抵楚署宜昌府知府借補荆  
州府同知旋署荊州襄陽武昌等府知府武昌爲省  
會首府事繁抵任三月結百餘案囹圄幾空大憲優  
獎之癸未荆郡濱江之上林塢郝穴口先後起蛟舊  
堤崩潰借項興修堤成士民爲立生祠己酉秋荆江  
驟漲上林塢復漫時琴已引疾候交卸未行慨然曰  
此余所承修者甫逾一載而卽潰何顏以對百姓今  
不自引咎尙待當道譴耶乃毅然以堤工自任闔境  
聞之咸歡呼踴躍民夫雲集堤長五百四十餘丈數  
日而就丙戌寓鄂城養疴上憲咸勸再出堅不應附  
糧艘歸里卒於家年八十二子二長允和邑庠生次  
允安廩貢生

田耕可字九三臨榆人歲貢生生六歲母卒育於祖母  
弱冠餼於庠父疾衣不解帶三月父卒營葬盡禮山  
海城守尉巴公重之延掌書記後巴遷京職欲偕以  
入都耕可以祖母年高母孀弟弱力辭後二年祖母  
卒巴又再三促之乃往未一月繼母疾星夜馳歸京  
師距臨榆七百水兩日而至母愈自是不復遠遊後  
母卒服闋入監肄業期滿於乾隆十四年選大名府

訓導大名恆罹水患是年尤甚太守朱英咨於眾  
議紛騰或欲注之鄰境或欲暫防本郡或曰不如自  
逃以保身家耕可毅然曰皆非也鄰之人亦民也水  
入鄰亦患也何忍注之但防本境不正溝壑仍舊橫  
溢猶注之鄰也食朝廷祿一旦臨難委民自保罪尤  
甚焉水注鄰境不仁也獨塞一郡不智也遇難苟免  
不義也水性就下順其勢而道之水自無不治耳太  
守知其能乃專以治水委之耕可乃通溝壑正水渠  
不月餘而水平事竣考績以知縣擢題時直督方公  
乃耕可契友也耕可引嫌力辭不受方公知其志亦

不復強二十八年奉委捕蝗於大順廣三郡時蝗蝻  
徧野官吏數十員民夫五千餘愈撲愈多眾以爲憂  
耕可籍民夫免其老弱簡少壯五百人令積薪掘坎  
立賞罰約夕而然薪夫役執箕帚逐之蝗蝻向明皆  
赴火來如是凡五夕三郡蝗無子遺是年遷萬全縣  
教諭初耕可之治水也河濱有女被毆召而問之毆  
者曰吾女也女泣曰非也妾父母沒於水彼強室吾  
不從故吾毆也乃杖毆者嫁女於良民又嘗置一妾  
詢之已許字矣卽訪其家而還之其他行事類如此  
生平篤志於學少時有文如錦字如珠之目兩任司



鐸教諸生以性理經學爲要不專尙帖括一時名下士多出其門晚年致仕年八十卒於家

徐紹薪撫甯人乾隆庚子舉人嘉慶七年署諸城縣知

縣嚴清吏弊姦猾斂迹而待士接民則至和易八年

春旱蝗徧野與邑官屬分鄉督捕蝗不爲災

青州府志

李茂字根盤號白村臨榆人好讀書尙氣節遇事敢爲

二十七歲入泮時頗好外務尋憤然曰大丈夫身列

黌宮不自攻苦何日能出人頭地遂折節讀書教授

生徒每讀必至夜分人多不堪其苦然心服焉終弗

去待人謙和善下至議論是非則凜然不可犯乾隆

永平府志

卷五十九

仕蹟四

九

庚子領鄉薦第一大學士蔡葛山先生甚器重之益

自奮沈潛學業於明慕王守溪

本朝則李安溪初葛山嘗欲引使謁當路爲之吹噓茂

對曰門生家寒葛山曰吾豈令君使錢者又對曰門

生聽命葛山嘿然嗣後屢試不第選教諭借補保定

府新城縣訓導待門生如子弟趙鹿泉督學順天考

取超等生員恆謂之曰此必君門下士也閱學政全

書見聖廟舞有八佾因捐錢修樂器請上司奏置樂

生上司不理至京叩都察院禮部亦不行嘉慶十年

會

東巡作書九千餘言迎

鑾上之下部議黜官及歸新城老友爲作愚公傳送之其贊曰愚公愚公卷懷而東滿腔熱血飄散隨風云云  
年七十餘卒

李惠字虞安灤州人乾隆丙午舉人家貧親老無以爲養館穀都門又嘗應太原掌院之聘文名噪一時嘉慶五年選授滿城教諭汲引生徒卓有師範歸田後好學不倦日手一編後生咸奉爲楷模焉屬纊之際猶諄諄勸子孫以讀書爲人之要言訖而卒著有詩禮堂文彙夢軒詩草子步沆字芥舟歲貢生事繼母以孝聞

永平府志

卷五十九

仕蹟四

十

董鵬翱字翔九昌黎人幼貧苦讀中乾隆丙午科經魁由大挑任山東禹城令創立書院捐廉給膏火文教一新改滕縣獲窰匪立置於法俸滿擢高唐牧與同寅孫良秉皆以峭直忤大吏意喟然曰吾年已周甲尙戀此雞肋耶力求解組歸逾年大吏事敗奉

旨嚴議

硃批伊二人可嘉蓋謂翱與秉也屢

詔不起壽八十餘著有禹城縣志其宦蹟見滕志循良傳高占魁字約齋遷安人乾隆丙午舉人初宰霑化十年

不調霑化地故瘠一以清靜治之衙齋蕭寂幾欲比迹萊蕪嘉慶癸亥邑大水躬親履勘洪濤沒馬腹捐俸賑給全活無算霑地濱海漁戶日供官魚歷任以爲常占魁卻之人曰官日食一魚取於漁者甚廉何卻爲曰吾食一魚吾幕食焉吾僕又食焉漁之供者恐百魚不給也何爲而不卻鐵冶亭宮保撫山東廉其清慎以卓異薦調冠縣旋升濟甯牧甫三月以病引去卒於濟南囊篋無長物人尤稱其清介云

李洙灤州人性端凝天資高朗乾隆己酉登賢書年方二十五雙親猶在堂也越二年父故家徒壁立藉修

永平府志

卷五十九

仕蹟四

十一

脯以奉母辛酉大挑二等尋丁母憂服除選授安肅教諭課士外不預外事長吏之門非公不至行誼達於上臺兩次俸滿連蒙保薦俱力辭不受道光壬辰截取到班選授河南滎陽縣知縣下車卽懲蠹役警刁紳以經術飾吏治民懷其恩踰歲解組歸

魏元煜字升之號愛軒昌黎人乾隆癸丑進士改庶常散館授職檢討典試皖江所拔皆一時英俊先後居諫垣六載凡事持大體不屑毛舉細故博敢言聲簡任江安糧憲歷陞蘇撫暨開府兩江每遇備弁升補必反覆考校遇水旱偏災尤詳加查勘分別蠲緩賑

濟前後奏請帑金百五十餘萬民慶更生轉七省漕  
運剔除各幫積弊奸丁蠹吏無所用其鑽營晨夕事  
母白首如孺子處兄弟怡怡如也平居便服時露補  
綴痕蓋雖顯貴猶諸生云

馬學賜字葵園遷安人生而岐嶷立志不羣以家事中  
落年十一始就外傅十七入邑庠且讀且耕文名噪  
一時乾隆戊申舉於鄉癸丑成進士授縣令歷任陝  
西藍田涇陽渭南等縣其泣藍也捐廉立玉山書院  
親加考課邑久無甲科未三年兀崇德聯捷南宮諸  
生歌詩刻石以誌德又親事丹鉛纂修縣志歲旱徒

跌禱於輞峪之錫水洞甘霖立沛公餘輯純孝錄勸  
孝歌令瞽者唱播有父子異爨者聞而感泣卒爲孝  
子調任涇陽之日民釀金建生祠止之不獲已乃以  
其金增書院膏火治涇六年一如在藍時涇童謠云  
馬青天拈香龍王著忙馬青天發駕龍王害怕嘉慶  
初教匪擾關中軍書旁午人心惴慄忽有賊謀縱馬  
大呼曰賊至矣民情洶洶僚屬請閉城以守賜曰果  
爾則墜其術中矣乃下令人授一兵家各爲衛開門  
秉燭率家丁登城以待賊竟不至而鄰邑之閉門者  
城外悉被掠矣不數日有回匪嘯聚於城外之禮拜

寺或以潛謀不軌上聞大憲羽檄飭勦賊幕友擬請  
兵往賜曰此必愚民無知乘教匪之煽惑而入耳何  
不軌之有黎明率數人直入賊巢賊方露刃以待及  
至則棄刃環跪曰是吾父母馬青天也小人等何敢  
賜南向坐諭以禍福咸感泣叩頭而散當是時有訛  
傳其被圍者周走而呼老弱皆起各於襟上粉書馬  
字馳而來遇諸塗歡呼擁至署前始散有民婦送前  
室之子者謂夫兄弟三人兩伯久各鬻子無狀將不  
養吾寡婦也命笞之將行刑命已之謂婦曰汝子既  
如此爲若理家事者誰婦以夫之族弟某告命拘某

至斥之曰汝旣以疏閒親伊子不肖汝不訓誨伊送  
其子汝不勸止是必汝從中愚弄計逐其子以便侵  
吞耳鞫之則婦家房產券已半爲賺去賜大怒立追  
還原券逐之去召其兩伯至使引其母子歸諄諄勸  
諭皆感泣人或訝其何以如睹曰吾相其子癡愿樸  
訥必非桀驁者且將杖時見臀已有棒痕必曾經呈  
送者因呼吏查舊牘果於前任以呈送被杖祇月餘  
耳韓城王文端公稱爲陝西第一好官嘉慶七年卓  
異候升引疾歸起病補渭南有西安某將軍家僮牧  
馬屢傷民田民控之乃拘僮至僮曰是將軍之馬曰

將軍教爾牧馬教爾傷田乎咎而逐之其不畏疆禦  
如此尋擢牧商州未及履任卒於官年五十四宦橐  
空如臬憲朱公爲查在涇有應領騾價七白金亟支  
庫發給乃得歸葬藍涇士民有徒步數百里赴弔者  
歷充乾隆甲寅乙卯科嘉慶戊午辛酉科陝西鄉試  
同考官充乙卯戊午陝西武闈同考官所拔皆一時  
英俊著月玉照軒詩文集行世道光十九年以藍田  
士民之請入祀名宦祠二十三年以遷安同鄉之請  
入祀鄉賢祠

王鋆字鎔菴盧龍人乾隆甲寅科舉人嘉慶乙丑成進

永平府志

卷五十九

仕蹟四

十四

王卽用知縣告降任正定府教授講學授徒尤善於  
易俸滿到省上臺器重之欲以卓異薦固辭而歸咸  
豐乙卯科重赴鹿鳴宴年九十九

杜鵬遠字翼南灤州拔貢生風裁峻厲學品兼優秉鐸  
東安士多敬憚長子閻廩生文譽甚著次子詹以進  
士官山西浮山知縣

魏元煊字麗泉昌黎人元煜同母弟幼而穎悟好學領  
嘉慶庚申鄉薦戊辰成進士改翰林院庶吉士散館  
除山西洪洞令時兄煜居臺諫累寄書以清慎勤三  
字勸之由州縣歷閩省封圻建貯倉穀培養人材暨

平定三省教匪具有名臣經濟屢奉

恩旨褒獎

賞戴花翎轉刑部兵部尚書恪恭盡職憂國奉公年七十

餘精力不少懈宦蹟備載

國史沒時

上甚惋惜

賜奠諡勤恪

李廣滋字卷山父詞垣蘭季子也字掌絲由廩貢生官

雲南晉甯州佐工書法廣滋少聰穎治詩古文辭能

傳其家學嘉慶庚申鄉試由拔貢魁其經己巳成進

永平府志

卷五十九

仕蹟四

十五

士選庶常授翰林編修尋擢福建道監察御史充丁

丑會試同考官在諫垣抗直敢言嘉慶末

東巡興役以言事忤

旨謫戍烏魯木齊到戍所浹旬卽

賜環素性高爽脫俗風味似晉人放歸後益肆情觴詠不

問世事道光初直隸制軍蔣礪堂聘主蓮池書院講

席一時名士多從之遊所著有窗南草塞遊草閒中

吟草雪泥鴻爪集保陽集

李筌字存旨樂亭人幼穎悟敦孝友八歲通毛詩及長

貫穿經史爲制義規法先正不屑入時俗浮靡一派

初就童試輒冠軍旋食餼以嘉慶戊辰登賢書由方略館謄錄議敘知縣選授河南之上蔡在官以清謹稱時邑境連歲河決例應科派民間預爲修築已斂錢鉅萬矣至期竟安瀾無恙有勸以所斂之錢私諸囊橐者筌正色拒之立出牌示悉散還之公餘仍以文史自娛無異寒素時歷任數年以終養告歸卒年四十四子四長砥柱廩生出嗣其叔所繼母待之無恩砥柱子職無虧人皆稱之

甯蘭森字香汀樂亭人性情和厚讀書甚純嘉慶癸酉以選貢授禮部小京官己卯登賢書在部循分盡職不激不隨困儀曹者二十七年至道光庚子始以郎中擢授甘肅甘州府知府署平慶涇鹽法兵備道甘肅故瘠省公泣任整躬率屬所至有賢聲數年卒於官

王瑞徵字莆田撫甯人幼沈默不輕言笑與人接肫肫如也讀書能得閒先輩吳蔭松山長歐陽紹洛兩先生亟稱賞之家寒素堂叔潤輒助之嘉慶癸酉甲戌聯捷進士授刑部主事研究律例數月後卽練達蔣礪堂相國官西曹時嘗謂案經王司員辦罪無枉縱矣二十四年總辦秋審出署江甯府道光八年爲浙江



司員外郎十年遷江西司郎中十一年發往江蘇以道府用

召見圓明園奏對稱

旨有到江南勉爲好官之諭公感荷

國恩益以清勤自矢十二年署常州府篆時洪湖水漲高郵堤潰決下流州縣俱爲巨浸常地處衝途災黎徧野捐廉設法留養全活甚眾三月補常鎮通海道勤求水利清釐權政嗣屢奉差委積勞成疾卒於官署旋有貴州臬司之命至則沒已數日矣時制軍陶公澍中丞林公則徐咸爲惜之

永平府志

卷五十九

仕蹟四

十七

宋琛字丹崖灤州人幼聰慧好讀書嘉慶癸酉舉於鄉時年甫及冠以家貧親老設教於鄉遠近知名之士咸出其門道光乙未大挑一等分發浙江歷任慶元平湖金華瑞安湯溪天台等縣所到輿利除弊去暴安良案無留牘請託不行四民無不頌德在天台交卸後抵省未逾兩月闔邑士民籲請回任至邑謂其士民曰何德於爾而若是僉曰小邑土瘠民貧不堪貪吏之擾公廉明故極力款留耳越三載因與上官不合遂以疾辭僑寓錢塘日以課子孫爲事慕其品學者咸師事之其終歲日用所需止恃生徒修贄與

僚友餽遺而已後粵匪犯境經保舉以團練有功帶兵防堵因勞致疾卒年六十有四

譚光第字杏樓灤州人嘉慶戊寅己卯聯捷成進士道光十年選授廣東定安縣知縣陞崖州知州海南地居偏隅素多海盜崖州民黎雜處尤稱難治至則除暴安良立學校振文風盜亦隨弭是時洋務方起林文忠公總制粵東留之制署多所襄贊旋丁內艱歸父德潤年老多病不欲遠離讀禮之餘課徒養親而學問由此愈粹歷十年而父故終喪遂不復出五十七歲卒於家

永平府志

卷五十九

仕蹟四

十八

張化民字雨時撫甯人嘉慶戊寅舉人學優品端遊其門者春秋兩闈多得氣飛去道光閒選授柏鄉訓導清苦自勵時蜀劉垣宰柏捐重賞以擒巨盜能吏也沒後歸櫬無力眷屬羈柏者八年化民爲釀五百餘金送之歸旋調井陘適咸豐辛亥髮賊薄城下化民誓以身殉驅家屬出城已數日矣值勝帥提兵過境城得全嗣以老告歸卒年七十三

李昌舒字坦齋遷安人綸子以拔貢生領嘉慶戊寅科鄉薦大挑一等分發甘肅歷知合水環縣皆有聲合水地故磽俗陋昌舒一以誠意感孚如家人父子租

賦比不登捐俸代完逋欠積串數千百皆火之其任  
環縣也嘗大旱禱雨於城隍神不應則與神像並繫  
烈日中越日不雨乃大感曰令與城隍罪深矣當共  
荷校民環跪泣請是夜大雨歲則大熟方其始至環  
米斛錢三千至是斛五百又慮穀賤傷農乃買穀填  
倉明年夏霖雨水大至昌舒日行泥淖中督夫修堤  
民賴以安嗣以積勞感疾卒是時方議清隱田官吏  
承風旨以多報升科爲功昌舒獨不肯止報五頃曰  
盡矣上官催促繼之以怒終不應民有惑於繼妻而  
迫其前子孀婦改適者成訟召至前訓飭勸導手書

一聯諭之曰莫聽花底鶯聲巧應惜簾前燕影孤民  
大感愧婦節以完性喜詩晚年格韻益高著有挂雲  
山房詩草西行草西行續草

王煦字涓厓昌黎人道光壬午科進士歷知河南延津  
孟等縣興學校勸農桑民多戴德尤勤於聽斷治堂  
事輒漏下三鼓始就寢故案無留牘以親老告歸邑  
紳士贈詩寵之行而男婦老幼之扶筇跨竹挈榼提  
壺者道路不絕服闋需次江蘇上憲廉其能每遇疑  
難案牘一以委之悉成信讞先後兩署武進結上控  
五十餘案後改教授旋引疾歸里掌教本郡敬勝書

院暨遷邑安昌書院生平詩文以作者自命同輩中少所許可惟與遷安馬恂爲文字交書法尤蒼秀著有愛日堂類彙行世

才宇和字霽堂原名連會昌黎人道光乙酉科拔貢除安徽泗州州判歷署鳳陽懷遠績溪等縣率以循吏稱課最升靈璧令靈邑連年荒歉除請帑賑濟外復捐廉施粥饑民賴以全活咸豐三年粵匪竄據臨淮距靈僅百餘里和募勇籌餉待賊決戰賊聞風不敢近上憲奇其才以宿州大缺委署甫視事值巨捻張落刑聚眾十數萬圍城和率義勇開東門突出殺數千人賊膽落圍立解由勞績升潁州守是時淮北土匪蜂起兼以叛逆苗沛霖嘯聚倡亂虎視眈眈和矢志勦賊每戰必身先士卒皖省八府被賊竄據者七惟潁州一屬獨全和之力也迭經

欽憲袁安撫福專摺入奏蒙

恩賞戴花翎授廬鳳兵備道加按察使銜因病告歸旋卒常瀚字蓉舫灤州人道光乙酉科拔貢以知縣用分發陝西除朝邑調咸陽補咸甯陞乾州所在勤政愛民民戴如父母擢漢中府

簡放延榆綏道咸豐 年髮逆由楚北竄入陝境商維滋

擾尤甚瀚冒雪往剿賊聞風遁士民公立九商保障碑以記績回任適值鎮標兵變擒斬首惡六人其餘不問眾遂安嘗語所知曰爲政貴得前人立意實際而不襲其迹所謂因時制宜也嗣回匪不靖

欽差大臣都調赴軍營力疾行卒於路年六十有二

李清泰字輔亭廣滋子道光乙酉拔貢生戊子舉於鄉初授滿城教諭保舉知縣需次山東歷署招遠汶上蓬萊等縣案無積牘在汶上時督捕捻匪境內帖然蓬萊向有社下馬舊規胥役勒索累民清泰裁減過半勒石垂後民咸德之旋以內艱歸服闋補益都縣

永平府志

卷五十九

仕蹟四

二十一

未履任而卒

李育德字振庚臨榆人歲貢生士綱長子也孝友如其父性耿介尤擅經濟才文根抵六經卓然名貴著有亦政堂文稟道光辛卯登賢書以

國史館謄錄議敘選延慶州學正既履任曰官名教諭不教不諭胡爲官於是擴學署爲書齋課實行校文藝口講身率士習爲之一變歷任州牧皆重之延慶城內止數井陘西王榕吉以名進士牧斯州患民之艱於汲也謀所以足之未得其要育德云城西北二里許之汪家園水若引而注之隍水既敷用兼能衛

城一舉而兩益焉王深然之卽令任其事工竣沿壕栽柳以固堤倡首捐錢生息俾歲修有藉延人感之頌以主善有常額懸諸學署在官十年丁母憂延之官民聘主冠山書院故居延又二年云

劉克勤臨榆人歲貢生任豐潤縣訓導捐俸買學田地四百畝以補後來學官所不足豐潤縣明倫堂立有

碑記

王允猷字仲升臨榆人生時自項至肩有鱗甲數十片啼聲異常兒週歲指物示之輒能記憶質穎敏不好弄讀書數行下十四歲屬文落筆驚其長老補弟子

永平府志

卷五十九

仕蹟四

二十一

員試高等父母沒哀毀逾恆事兄友愛終身自奉儉而周急濟困見義必爲族中賴以婚嫁喪葬者數十家凡捐修文廟試院書院義學暨賑饑埋胔諸費累至千萬金不惜年四十餘屢躋棘闈慨然思有用於世乃歷遊天下名勝通都大邑凡道途水利漕運兵屯之沿革利弊皆默識心通以貢就選行人司行人勳禮部儀制司每呈一稟少宗伯長洲沈公輒嘉其敏練通達遷戶部廣東司郎中考核諸司殿最秉公無私吏胥不得上下其手大司農常熟蔣公亦器重之公餘輒閱大清會典通鑑綱目文獻通考諸書以

資考證嘗訓其子曰學古入官議事以制尙書二語  
所宜法也居官泣政何可面牆貽譏哉年五十四卒  
於官

王兆松字公卜撫甯人道光戊子解元癸巳成進士選  
庶吉士授工部主事補屯田司掌硝磺庫丁父憂服  
闋陞員外郎轉郎中監督黃木廠咸豐癸丑補山東  
道監察御史改貴州道巡視南城陞兵科給事中稽  
查通州西倉轉戶科掌印給事中補鴻臚寺少卿丁  
母憂歸奉

旨督辦團練同治丙寅卒於家年六十五松生而岐嶷孝

永平府志

卷五十九

仕蹟四

一二十三

友誠慤沈默寡言服官清要內介外和同僚咸仰其  
丰采掌戶科時聞通州一年添設漆鋪百數處恐內  
藏奸宄稟請搜訪後大沽有變如公言由是屢蒙  
廷召嚮用甚殷公雅不欲以直節自見每有奉疏輒焚其  
稟讀禮家居閉門謝客不預外事課子讀書手不釋  
卷其弟兆柏以壬戌進士選河閒教授不赴任優游  
泉石以書史自娛人兩賢之

薛安仁字樸庵盧龍人生而聰穎善讀書敦氣誼家貧  
無力延師甫冠卽以舌耕自給而課讀餘暇攻苦未  
嘗輟也游泮後文譽甚著時昌黎王公煦以名進士

主敬勝書院講席特器重之道光辛卯鄉試挑取膾  
錄壬辰舉於鄉旋以

國史館書成議敘知縣呈請就教職選授奉天復州學  
正在任十八年而復邑文風爲之大振年六十有二  
卒於官服心喪者數十人子三長繼曾邑庠生次繼  
畚拔貢生季繼武副貢生俱能以詩書世其家

王汝訥字子默號友木灤州人父庚道光乙酉舉人山  
東知縣同母兄弟六人汝訥其次也幼穎悟十齡外  
能文章補郡學生道光己酉舉拔萃科卽於是秋以  
第一人領鄉薦咸豐庚申捷南宮用主事分工部逾  
歲補軍機章京入直樞垣供職勤慎政府諸公咸器  
重之同治丁卯遷御史戊辰四月

永平府志

卷五十九

仕蹟四

一二十四

簡放山東遺缺知府除東昌未履任署青州事甫下車卽  
實惠及民民俗好鬪勸諭化導俗爲一變境內久不  
雨自爲文籲禱三日甘澍渥沛歲大稔闔郡呼神君  
嗣因祭告龍神入廟爲刺客誤傷越一日而沒事  
聞贈太僕寺卿廕一子立祠妻傅氏仰藥以殉因救得甦  
葛唐麟字應隆樂亭人性剛果能任事咸豐壬子科舉  
於鄉同治壬戌大挑一等以知縣分發浙江浙省號  
人文淵藪每書院大課委之閱文及補行辛酉壬戌



兩科鄉試唐麟與分校之役所拔多浙中名宿委辦  
讞局疑獄多所平反撫憲馬公常曰獄經葛令所定  
我知其必無冤抑矣其爲上游器重如此委監衢郡  
釐局得疾及委署龍游之檄下而唐麟竟卒年五十  
四

閻廷珮字均堂號黼卿盧龍人祖會一歲貢生父德峻  
辛卯舉人皆以教授終其身敦倫修行鄉里咸矜式  
焉廷珮幼讀書文筆卓犖未冠入泮旋食餼中道光  
丁酉副榜癸卯甲辰聯捷成進士以部員用補戶部  
山東司主事歷陞員外郎郎中掌捐納房稿授寶泉

永平府志

卷五十九

仕蹟四

二十五

局監督公務紛繁摺稿胥由自裁不假書吏手在部  
二十餘年勤勞如一

京察保列一等咸豐辛酉春授山東袁州府知府未到  
任丁外艱服闋補青州府涖任十餘年事上敬而有  
禮治民寬而有法重修雲門書院青州貢院捐廉首  
倡論文談道官民無異師生同治庚寅青之黃崖山  
逆匪聚眾三千餘珮偵知連夜請兵剋期平滅撫憲  
保奏以道員用同治丁卯捻匪竄擾山東青民戶出  
一丁朝夕訓練及賊臨城下率眾守禦晝夜巡查半  
月餘賊解圍去城賴以全撫憲保奏奉

旨加鹽運使銜同治甲戌丁內艱歸青民刻石以頌其德  
韓超字寓仲號南溪昌黎人唐文公裔少慷慨有大志  
家貧厲學熟於史鑑尤究心武備由副榜就職州判  
道光二十二年天津設海防詣軍門獻萬言策事平  
以本斑歸部候銓貴州請諫以借挑府經歷到黔署  
三腳聖州同獨山州知州清江通判洊知縣府

賞花翎授石阡府兼署思州府簡放貴州糧儲道署貴東  
兵備道幫辦勦匪事務署貴州按察使加布政使銜  
賜號武勇巴圖魯二品頂戴署貴州巡撫超性剛鯁事上  
官不阿附取容凡轉官皆以戰功獨山與廣西鄰健

永平府志

卷五十九

仕蹟四

一二十六

訟多盜號難治超訪士人有行誼者敬禮之創行團  
練以士民爲耳目破積年盜砦禽治胥魁巨猾略盡  
威令大行咸豐元年胡文忠林翼守黎平廣西髮賊  
起逼府境胡見超與知縣魏承祝書詫爲奇士請於  
大府使爲之助超條畫方略教所部以營陣攻戰之  
法二年胡公上書薦於布政使并上其方略由是知  
名聞粵寇將來軍於懷遠迎擊之賊遁去是年秋台  
拱清江八寨丹江古州五界之烏沙苗爲亂烏沙者  
張廣泗開苗疆之九萬寨故地也胡公奉檄勦捕以  
超爲前鋒斬獲驍賊數百徇下各寨烏沙平三年秋

胡公勦賊兩湖欲與之偕辭曰吾仕黔十年贍家葬親皆資於此今黔且亂無事享其利臨難而去之非義也乃爲胡簡勁卒六百送之登舟而別時方在清江署任治盜益力盡傾祿入養勇士親教之一日三閱汲汲若有事者明年春獨山土匪結粵寇內犯眾數萬大府檄使討之率諸軍進擊禽逆首楊元保復深入廣西南丹州境擊諸股平之還師未月而桐梓賊楊瀨大熾陷數城圍遵義滇黔兵救遵義者數十營動輒敗衄超馳至冒雨疾戰解城圍每會諸軍出他將敗輒救之以爲常攻破雷台山大因堡賊巢

楊瀨潰走將由黔西以趨省城聞超要之乃遠竄超晝夜窮追賊聞韓軍至輒不戰至冒他軍衣幟誘之乃得交鋒斬逆首王三乍巴於坡貢場斬逆首楊瀨於葛章司五年三月賊平是月苗疆同時叛辭超卽馳援台拱解黃平平越圍六年援勝秉鎮遠喋血轉鬪深入垓心黔中跬步皆山苗地尤險惡賊塹山斷道以阻官軍獠升鼠伏伺便要襲援師不至超以本部奔命於箐谷之中屢瀕於危而意氣自若胡公疏言韓超深明兵略剛正不撓臣前所帶黎平團勇皆韓超訓練之力其才非臣所及近年黔疆不靖聞該

員已擢知府崎嶇於台拱清江之間年餘無餉勸諭  
良苗聊供食米部曲尙未盡散該員年已六十近年  
文報梗塞恐其終必飢困坐失良將儻蒙

勅下雲貴督撫設法濟餉假以事權可爲國家兵事得力  
之員侍郎王茂蔭亦薦之下巡撫問狀七年覆奏上  
擢道員自咸豐六年以後黔省上下游大亂州縣失  
陷大半思州以北及石阡銅仁思南諸郡爲教匪鎮  
遠以南及黎平都勻諸郡爲苗匪超以孤軍擋拄其  
閒使賊不得合遏其由無下沉之路以蔽湖南自將  
先不過數百人及官道員奉

命幫辦所統亦止二千人賊常以數十倍之眾來攻更番  
死鬪率數月不解甲餽餉久絕因糧於苗湖南巡撫  
駱文忠秉章疏聞於

朝稱其廉樸耐苦能得民苗心月濟餉四千金駱去餉  
絕胡公移書湘中爲乞餉屢欲調之入鄂會胡薨而  
止八年冬復鎮遠府衛兩城十年春肅清思州轄境  
於是謀因地足食之道下游民團舊以十戶養一壯  
丁因其意稍變通之官募士而民輸糧倣隋唐府兵  
之意又籍叛產絕業分授降眾流人以田代餉行之  
二年得不餉之兵三千人當苗初叛千里響應欲據

全黔以通湖南苗疆既屢挫於超凶燄始衰十一年  
大帥檄赴省清鎮以暴斂激變陷鎮西衛圍縣城分  
趨省會超至擊退其攻城者餘悉撫定之旬日而畢  
大帥欲屠殺立威超不可以去就爭之乃已十一月  
詔署巡撫時通省殘破髮逆石達開復由川突入號稱二  
十萬雲南叛回潰練分道攻擾上游鄰省協餉久不  
至釐捐日涸危迫不可終日超內馭悍將外支羣寇  
八面撐拒黔疆獲完擊走石達開攻克尙大坪玉華  
山兩賊巢肅清大定安順遵義思南銅仁諸郡雲貴  
徐之銘遣回人馬聯升來攝安義鎮總兵超拒之雲

永平府志

卷五十九

仕蹟四

二十九

南叛將林自清詐稱受

詔由川赴浙所到剽掠超以便宜令將擊敗之降其眾得  
旨褒獎提督田興恕以教案被謫黔人恐大將旣行賊復  
熾要超奏留超亦念田部獷悍他人難制且移軍索  
餉將致譁變與總督潘忠毅鐸合疏以

聞復再疏以情告

中旨詰責同治二年引病歸超在黔大小六百餘戰紀律  
嚴肅勇略冠一時平日坦直敢言臨戰審地勢測敵  
情操縱捷疾奇變如神善恤士卒讓功同列尤善用  
閒諜援遵義時得博徒劉振因盡得制賊要領在苗

疆時遣苗爲內閒離其眾出奇計驚擾之復結良苗以攻苗清江陷其家屬在焉羣苗衛而出之時方與苗戰而其德能感苗如此四年冬遼東西馬賊起關內紛然應之直隸總督劉公長佑疏請以超練團防邊事定得優敘又請以超統易州練軍不果行超居官廉介自奉極約及治軍益貞苦飲食居處皆與士卒同歸田十餘年卒年七十九

賜謚果靖

齊大勇字養浩號鳳崑昌黎人幼穎異通書史素負大志年二十遊文庠應鄉試不第乃棄文就武雍正已

永平府志

卷五十九

仕蹟四

三十

酉應武鄉試不第大學士馬齊素知勇膂力過人弓馬純熟兼長文事乃爲之稱屈竟徹

宸聽

世宗憲皇帝特命與新科武舉在紫光閣一體考試

欽賜武舉明年會試

殿試俱第一授乾清門頭等侍衛一時名噪都下九年

三月奉

旨往軍營隨大將軍岳鍾琪學習行走

賜孔雀翎盔甲衣服等物又解

御佩小荷包賜之曰好生學習勿負朕意勇感激

聖恩馳赴巴里坤大將軍派領戎纛兵馬進剿六次奮往  
爭先屢著功績西酋聞之心慄十三年題補山西撫  
標中軍參將洺晉數載整飭戎行練習營務乾隆七  
年陞湖南沅州協副將抵任五月丁父艱回籍服闋  
補江南鎮海將軍中軍副將十二年正月補授湖廣  
襄陽鎮總兵旋於九月調陝西興安鎮總兵十三年  
十一月奉  
旨派領西安固原延綏河州興漢五鎮官兵進剿金川十  
四年六月陞授湖廣提督十六年調陝西固原提督  
又調甘肅提督仍移固原提督十一月入

永平府志

卷五十九

仕蹟四

三十一

覲屢蒙

召見謂諸王大臣曰齊大勇乃

先皇舊臣洵狀元中之傑出者面奉

諭旨仍在乾清門行走十二月

陞辭回任二十三年十二月調補湖廣提督嗣以固原提

督任內保舉不稱以參將銜發往巴里坤効力行走

凡四年敘列一等選授河南營參將以母喪致疾葬

甫畢而沒年六十有六勇服官三十載廉潔自矢區

畫軍務鉅細精詳兵民愛之如父母去之日靡不流

涕道左勒石以誌不忘其孝友出於天性兩丁內外

艱哀毀逾節至於滅性鄉黨爲之流涕與人交披肝  
膽無粉飾工書法於舊搨名筆尤精鑒別兩遇  
覃恩晉封資政大夫榮祿大夫

李雲標字冲九灤州人性豁達幼棄文習武中乾隆辛  
酉科武舉乙酉成進士以侍衛用庚午四月除授漳  
州城守營遊擊辛未署漳州鎮標中營事壬申十二  
月蔡榮祖謀逆奉檄剿捕紀功癸酉八月調補羅源  
乙亥五月補城守營參將閩督以一等保舉赴都引  
見奉

旨記名值丁母憂戊寅四月赴任調補臺灣南路參將十

永平府志

卷五十九

仕蹟四

三十一

一月署臺灣北路副將庚辰十月補授廣西平樂副  
將逾三載以提督薦引

見仍回原任甲申正月除授雲南總兵乙酉五月奉請  
陛見赴京疊蒙

召見

賞戴花翎丁亥調補甘肅涼州鎮署甘肅提督辛卯代署  
肅州鎮本年秋調陝西固原總兵旋歸肅州鎮壬辰  
金川謀逆奉檄剿賊滅其黨以痰疾回籍調養逾五  
年卒

安廷召樂亭人幼讀書穎敏而不喜帖括學乃與從弟



廷贊講求太公陰符及孫吳諸書乾隆辛未以武科  
第三人及第授侍衛初任浙江撫標中軍參將訓練  
嚴明撫憲以清勤稱之廷贊生而駢脇膂力絕人乾  
隆丁丑武進士由二等侍衛任四川保甯右營都司  
會囑匪竄擾公奉憲檄領銳卒五百馳赴軍營協捕  
深入叢山與賊遇奮勇急擊而身自引弓射渠長殺  
之轉戰一晝夜賊大潰贊欲乘勝直搗其巢眾難之  
贊曰賊在巢如池魚奔虎圍可困攻可取也若待外  
潰山險兵稀如釣鱗巨壑逐獸平原安能測其所屆  
遂鼓行前破其巢以功陞重慶鎮左營游擊山西得

永平府志

卷五十九

仕蹟四

三十三

勝路參將蒲州協副將丁憂回籍服闋任廣東香山  
協副將尋署總兵而廷召亦歷陞台州協副將以疾  
告歸

李國梁字簡侯號靜齋其先豐潤人康熙閒來居樂亭  
之徐各莊世以忠厚傳家梁生而慧敏具文武材少  
時讀書輒通曉大義乾隆癸酉領武闈鄉薦丁丑會  
試以第一名中式

廷試復一甲一名

賜武進士及第

御前頭等侍衛辛巳秋以

簡命宣力南疆歷署閩浙等處參遊副總旋授浙江提標  
中軍參將所至訓兵練卒一切支發糧餉必親爲檢  
飭侵漁弊絕制軍蘇公稱曰清而能勤先署象山副  
將篆時恭逢

南巡大慶派辦差務蒙

恩賞賜貂皮二張大緞四疋級有加焉蓋異數也已丑春

陞台州副將壬辰洵調象山癸巳秋擢定海鎮總兵

官甲午

陞見入都

召對稱

永平府志

卷五十九

仕蹟四

三十四

旨遂調鎮處州旋調福建漳州踰年署理閩省陸路提督

未幾實授閱二年以母艱歸哀毀骨立小祥後卽奉

旨署理湖廣提督

賞戴花翎仍在任終喪服闋遂實授楚中會川省囑匪逃

竄梁領銳卒三百人輕騎出宜宣施南一道跋涉叢

山馳赴蜀中協捕匪眾聞之無敢越境悉於本處就

擒人咸謂爲先聲震奪云莅湖之四年恭修述職蒙

恩給假歸省並

賜扁以榮其親回任甫年餘

上以其父年近九旬調補直隸提督就近迎養乾隆五十

二年以疾卒於官年五十八諡恪慎

贈太子少保遣官

諭祭賜碑文公性至孝晚歲斑衣舞綵依依如赤子戚屬有匱乏必調恤之歷總戎務寓恩於威以故所屬咸親附之奏疏必手自屬稟薰而後緘點畫微疵務檢剔淨盡以爲不如是不足以達誠居恒不苟言笑及值事疾若風雨莫測所由來或暑月乘騎未嘗張蓋屆時操閱出入率見星飲食麤淡非延賓不設兼味卒之前一月扈

駕盤山時已邁疾

永平府志

卷五十九

仕蹟四

三十五

上遣太醫診視

親問痊否卒之日

上令軍機傳旨云伊父年過九旬不必過於傷悼五月初朕啟鑾赴熱河出口及回鑾進口時伊父俱不必在道旁接駕送駕謝恩朕見之轉增憫惻也就近傳諭知之欽此其父子得君蓋始終

恩遇不衰焉

阮甯方臨榆石門人乾隆乙卯科武舉辛巳成進士狀貌魁梧膂力絕人幼時服役於本村楊氏楊二子習武爲之司牧暇輒舉刀石主人見其材勇俾與子同

習村某氏治宅有條石數工不能舛甯方曰吾爲爾  
助一臂之力遂獨抱石安插訖神色不改由是共稱  
爲阮大力云應童子試入武庠後與二楊並舉於鄉  
會試獨獲雋授

御前侍衛任滿補四川重慶鎮標右營都司以征緬功陞  
潮州鎮營參將因失機革職金川之役阿將軍保舉  
起復原官屢立戰功敵人畏之累官至河南開封府  
城守營遊擊